



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Arnoldi Corvini à Belderent J. U. D. Jus Canonicum, Per  
Aphorismos Strictim Explicatum**

**Corvinus van Beldern, Arnold**

**Amstelodami, 1663**

Purgatione Canonica.

**urn:nbn:de:hbz:466:1-10591**

qu. 2. c. miramur. & ibi Gloss. & Doct. de serv. non ord.  
si Presbyter, sex Episcopis, c. 1. de hæret. in 6. si Clericus  
in minoribus ordinibus constitutus, præsente capitulo,  
d. c. 2. de pœn. & ibi Gloss. in 6. c. qualiter. in 2. de accusat.  
c. 1. de excess. pralat. (Nisi alia sit consuetudo; c. 3. de  
consuet. Gloss. in d. c. 2. de pœnis. in 6.) coram judice se-  
culari, cui degradandus est tradendus, publicè Rei caput  
tondeat; loca capitis & manuum, in quibus tempore or-  
dinationis unctio facta, vitro vel ferro radat; habitum  
seu vestimentum Clericale, ordine retrogrado, quo ei da-  
tum, ab extremo ad novissimum, eum exuat. d. c. 2. de  
pœnis. in 6. d. c. Episcopus. 11. qu. 3.

Habet Degradatio, inquit Lucas de Penna, in l. 1. C. de  
privil. Scholar. lib. 12. in tribus tantum locum; in hæreti-  
co, c. ad abolendam. §. 1. de hæret. c. excommunicamus. eod.  
literarum Summi Pontificis falsatore, c. ad falsariorum. de  
crim. falsi. in eo qui Episcopo suo est insidiatus, veleum  
calumniatus; c. si quis Sacerdotum. 11. qu. 1.

Degradatione solenniter facta, degradatus efficitur vel-  
uti Laicus, omni privilegio exutus & nudatus, & Curiæ se-  
culari legibus ejus puniendus relinquitur. d. c. 2. de pœnis.  
in 6. c. novimus. de verb. signif.

Manet tamen in Degradato etiam actualiter character  
ordinis, & potestas, quamvis ei interdictum sit exercitium.  
c. quod quidam. 1. qu. 1. c. licite. 32. qu. 7.

Injiciens manum in degradatum, non incidit in Cano-  
nis Si quis suadente Diabolo. 17. qu. 4. pœnam: omnino  
in depositum manum injiciens. Gloss. in fin. c. 2. de pœnis.  
in 6. Panorm. ad d. c. ad abolendam.

### De purgatione Canonica.

#### T I T. XLVIII.

**Q**UOD si Reus de criminis suspectus, convinci non pos-  
sit, non absolvi, sed purgatione canonica innocentiam  
suam probare debet, c. si quis Presbyter. hic.

Est

Est purgatio, innocentiae super objecto criminis, certis à jure inventis mediis, facta ostensio.

Est vel *Canonica*, de qua hoc titulo; vel *Vulgaris*, de qua titulo sequente.

*Canonica* est, quæ à *Canonibus* inventa & prodita; ut cum aliquis suo de veritate, & compurgantium juramento de credulitate, innocentiam suam ostendit. c. 3. &c. de *testibus*. 13. hic.

Indicere eam is *Judex* tantum potest, qui de negotio cognoscit, vel cognoscere deberet, de quo diffamatur: ab alio statuta infamatum non relevat. c. *cum dilectis*. 15. in fin. eod. c. *ad audientiam*. *de consuet.* c. *licet*. *de offic.* *legat*.

Indicit is vel ad instantiam ejus qui purgandus est tantum, ut c. *cum in juventute*. 12. hic. vel à *Judice* injungitur de criminis gravis infamato, & tum aucto compurgantium numero, nisi à beneficio suspensi velit, praestanda; in t. nos inter. 6. c. *inter solicitudines*. eod. Potest, sed non tenetur eam indicere *Judex*, si infamia ex probabilibus conjecturis ortum non habet. d. c. *cum in juventute*. c. *quod au-* tem. *seff*. *qu*. *fin*.

Injungi non debet cuilibet *Reo*, sed tantum fide digno, quem verisimile est non facile pejeraturum; c. 1. & ibi *Gloss*. & *Panorm*. hic. & ei qui neque legitimâ probatione, neque suâ confessione convictus est, c. 3. & 6. eod. neque crimen notorium admisit, c. *penult*. eod. de eo tamen apud bonos viros ex verisimilibus suspicionibus est diffamatus. c. 4. 6 c. *cum in juventute*. 12. eod.

Compurgantes (qui jurant, se reum credere à criminis immunem esse, & proinde verum juramentum eum præstisset. c. *quoties*. c. *de testibus*. eod. c. *presbyter*. 2. *qu*. 4.) eligit *Judex*, vicinos rei, & honestos, vitam & conversationem ejus exploratam habentes; c. *cum P. Manconella*. c. *cum dilectus*. eod. d. c. *presbyter*. interdum duodecim, interdum septem, interdum pauciores pluresve, c. 1. c. 8. hic. & *passim*. 2. *qu*. 5, pro arbitrio, inspecta ipsius de-

licti, personæ rei & compurgatorum qualitate. c. 8. in verb. sicut. expedire. c. significasti. 5. in verb. juxta arbitrium tuum. de adult. d. c. presbyter. c. quanto. 2. qu. 5.

Locus purgationis debet esse idoneus.

Is est ubi infamatio appetat: ut si à populo infameretur, coram populo; arg. c. 1. de pœnis. c. ex tua. de simon. si inter clericos, coram illis, c. 2. fin. hic. c. qualiter. in §. fin. de accusat. juramenti purgatio & compurgatio fiat.

Purgatus criminis liberatur. In purgatione deficiens, legitimis pœnis, tanquam convictus aut confessus afficitur. d. c. inter sollicitudines. 10. hic.

### *De purgatione vulgari.*

T I T. X L I X.

**P**urgatio vulgaris, quam olim vulgus usurpabat, fiebat per judicium aquæ frigidæ. c. ex tuarum. 8. de purg. can. tactum ferri carentis, c. fin. hic. c. Mennam. c. consulisti. 2. qu. 5. c. sententiam sanguinis. Ne Cleric. vel Monach. aquæ ferventis, d. c. Mennam. c. omnibus. c. consulisti. 2. qu. 5. d. c. sententiam sanguinis. duellum. c. 1. &c. 2. hic.

Hæc Canonibus improbata; Quia in iis potius Deus tentabatur & ad iracundiam provocabatur, quam verum habebatur innocentiae testimonium. c. fin. de purg. can. c. queritur. 22. qu. 2. c. si nulla. 23. qu. fin. Quia saepe etiam per hoc fallax judicium, tentato Deo, innocens impiè ex præsumptionibus damnabatur, c. significantibus. hic. Dæmone miracula imitante, & ut innocentii illuderet, velim-pium meritis pœnis liberaret, oculos perstringente.

FINIS LIBRI QUARTI ET ULTIMI,

O R-